


Anpao Kin



THE DAYBREAK

"Wankantanhan Anpao kin hiyounhipi."--Luke 1. 78.

VOL. XVI

FOREST CITY, SO. DAK., JULY, 1900.

NO. 9

ANPAO KIN.

REV. E. ASHLEY
REV. W. J. CLEVELAND } Editors

ANPAO KIN wi iyohina, wiyawapi anpetu tokaheya eca mazaakdirpeyapi.

WI XAKPE on kapi, qa wi iyohina akezaptan (15) aokpani xni, ptayena partapi, wicacaji wanjina ekta huyukiyapi kta cinpi kinhan, icupi kin iyohina kaxpapi wanji (10e) on kajujupi kta.

WIXAKPE on kapi, qa wi iyohina wanjina icupi kta cinpi kin, kaxpapi wanji sanm okise (15) on kajujupi kta.

Icupi xni itokab kdajujupi kta.

Wowapi askabyapi maxaxana wanji qaix nonpa owapi kin, mazaska eekiya. ANPAO KIN opeton okilipi kta.

Tuwa wowapi kagin kte ca wowapi skasani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi njuha akand ceed owapi kta.

REV. E. ASHLEY,

CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikoyawaxteyapi qa wicoran waxte econ iyounpaxtakapi kta wookilii yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku eamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanin tawa tokiokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupi nin ecanmi.

W. H. HARE,
Yewicaxipi Bixop

ABLEZA POI

Sioux Falls, S. D.

June 1, 1900.

Tokata St. Matthew Taanpetu, September 21, 1900, Cheyenne River Agency (Hohwoju), S. D. ekta, na Ascension wocekiye oyanke el, Hihan wakpa iyohloke cin ikiyela, Niobrara Convocation kin himniciyapi kta e le eciyatanhan wicakicopi.

W. H. HARE,
Bishop

Attest: Wm. Holmes,
Secretary.

Sioux Falls, So. Dakota.

Lakota oyate egna, winyan tona Okolakiciye Wakan opapi kin le cicigapi:

Lakota winyan kin hena wicohan tanka econpi ece, na heon Wakantanka wopila ewakiya. Wowastelake on heconpi kinhan Wakantanka tobinni aktonjin kte sui, na Iye hecel wicohan tanka kin he okihiwicakiye cin on wopila ewakiya ecee.

Convocation omniciye ekta, winyanpi kin mazaska tona mnayanpi na taku on na tona kicunpi

kin, Wicasa Wakan tawapi kin owicakiyakapi sui kin heon woškiške ecee. Eya tokel ieska wapyikapi esa, takomni oskiškapi na taku yušnapi ece.

Heon etanhan, Winyan kin hena Convocation ekta mazaska tona ahipi na taku on kicunpi kte cin, iyehantu sui ecel Wošna kaga iwicayunge wicawaši, na iye onspewicakiyapi kin ogna mazaska tona mnayanpi na ahipi kin tokel kiyušpušpu egnakapi kte cin wowapi wan el kagapi kta; nahan Winyan mazaska tona na iyayustag wowapi kin yuha hipi sui kinhan mazaska kin hena iwacu kte sui e waktawicawaye lo.

Ecana Convocation econpi kte cin on wanna cantewasteya ewacannipi naceca, kinhan omniciye kin he on wocekiye ehapi nin ecanmi.

Nitakola wacinyepica,
W. H. HARE,
Bishop.

Flandreau, So. Dak.

Wakpaipaksan ed St. Andrew Sunkakiciyapi icahiyapi kta e wanna tehan iyuteya škanpi. Heon Bishop unkitawapi kin ded hi qonhan Dakota wicasta wakan sunkakiciyapi opapi kin wanji hi kta qa woiciconze kin ohnayan unkiyustanpi kta iceunkiyapi.

Unkan ohinayan Rev. Joseph Goodteacher uši sunkakiciyapi kin on qa nakun okodakiciye wakan kin takuku onspewicakiya kta e on May 29, 1900, en hi.

May 30, 1900, htayetu kin ed tipiwakan ohna tokaheya sunkakiciyapi kin on wohdakapi omniciyapi heca econqonpi, qa Rev. Goodteacher St. Andrew Sunkakiciyapi Tawoope nom kin qa wicohan tona iyowaja qa yuha škan kin hena on wahokonwicakiye.

Hehan Benj. Westman, tokaheya wohdake qa wicohan kin de icage kta e iye tokaheya kuwa esta on kahanskeya taku nina lica awacin sui tka dehan Rev. Goodteacher, on tankaya on onspewicakiya kin on sanpa okalniga cin on ehanqon wicohan de tanka qawakan kin on koška tokecincin ed ope pica sui kin awabdeza unkan imanihan qa cante kin nina mayuhuhuza, hececa esta toked owakihi wicohan kin de detanhan tokatakiya yus nawajin kta ce eye, qa eqeš wanna omaka wanji koška tona de ohna iyute-

ya škanpi kin wanjidan tohni wicohan šica wan econ e oyakapi nahon sui keya.

Hehan Sam H. Weston wohdake qa wicohan de totanhan awacin kin sanpa ohni cante kin ed u qa hekta tohan šica ota qa yawapica sui hena on dehan iye tka ceye iciya ecee, hececa esta detanhan hena on sunkakiciyapi kin ed litani kta qa wocekiye qa Wakan-tanka oie kin ohni yus un kta heced wohdake.

Hehan William Jones wohdake qa koška tona wicohan de awacinpi qa ohna škanpi qa wicakapi kin oihduhepi qa tohanpi kin eciyatanhan ataninpi e owicawakalniga ce eya, womnaye qa is taku wicohan wan onspepi kin hena on takudan wawipida sui škanpi ce-eye; qa nakun Thos. Arrow, John Thompson, Peter Thompson, hena tantanyan wohdakapi 10:30 o'clock P. M. dowanpi qa enakiyapi.

May 31, 1900, 3:30 P. M.-Okodakiciye ataya wacekiyapi, qa ake Rev. Goodteacher St. John 15:27, on wahokonwicakiye. He e wacekiyapi ayustanpi hehan Okodakiciye opapi owasin witaya takuku ked on wohdakapi.

Rtayet 7:30 ape kin hehan ake sunkakiciyapi on omniciye econpi qa ake sanpa Rev. Goodteacher takuku onspewicakiye qa ake wanjikji wohdakapi qa tona ed opapi kta wiyeya unpi kin qa hecehnana katinyan tawacinpi kta cin owasin oihdakapi.

June 1, 1900, anpetu kin ed Rev. F. Durant qa Rev. Joseph Goodteacher wicohan de on wohdapi qa Rev. Durant owasin hecetu da, hecen htayetu 7:30 hehan ake tipiwakan ohna mniciyapi qa he ed wikeemna (10) woiciconze kin ohnayan Rev. Goodteacher opewicaye qa ohakam ake tona iciconzapi kin hena on wicohan tona ohna iduhapi kte cin iwahokonwicakiye.

De ayustanpi kin iyohakam wi šakpe (6) tokata St. Andrew taanpetu hehanyan tona oitanan unpi kte cin wicakalnigapi: Thomas Arrow, Itanean; Sam. H. Weston Itanean okihe; Amos Weston wowapi kaga qa John Thompson mazaska awanyaka.

Ho heced South Dakota en Dakota sunkakiciyapi yuwitaya Provincial Chapter yaunpi wicohan tona yakuwapi kin en unkiš eya omniciye eistinna kin unyuhapi esta omniciyapi kta e unkinajinpi qa heon wocekiye nitawapi ed

sanpa unkiyagapi qa waunšakapi kta e ohinni unyeksuyepi kta iceunniciyapi, qa owasin wowakta canicipawega unkitawapi kin ed napeunniyuzapi, qa Rev. Joseph Goodteacher dehan wicohan tanka unkiyustanpi kin on wopida tanka unhapi.

Amos Weston,
Secretary

OKOLAKICIYE WAKAN WOTANIN.

Saglaša makoce kin el obašpe wan London eciyapi kin imahel wicasa ota unpi na hekta qon hetanhan sam obašpe kiyušpeya kagapi. Wanji Rochester eciyapi, yuncan he wanna wicasa ota el ounyanpi, hecel he kiyušpa na akam wanji teca kagapi kta ca lila wamnanpi. Tokeša kiglegapi kta naceca.

Makoce kin he hel yewicaxipi omniciye wan—Society for the Propagation of the Gospel—he wanna waniyetu opawinge nom yuhapi, na omniciye kin he maka owancaya wicohan tanka econ ece. Iyuncan omaka iopawinge nonpa kin on wokiksuye wowiyuškin heca econpi kta, na icunhan mazaska woyawa tanka mnayanpi kta cinpi. Wokiksuye econpi ca Bishop unkitawapi etanhan wanna wicakicopi na hel woglakapi kta.

Lehan Paris, France el wapazopi tanka econpi na makoce oyasin etanhanhan taku pazopi kta ahipi. Yuncan yewicaxipi wicohan kin on is eya takuku ahipazopi, na hena etanhan, Minnesota makoce kin el Lakota wikoškalaka taku opapun lihi kagapi kin etanhan ahipi naceca.

Alabama obašpe kin May wi he ehan omniciye econpi na icunhan Bishop ookiye wan tokeca kalnigapi, he Rev. Robert W. Barnwell eciyapi kin ee. Tokeša Bishop unmapi kin na Standing Committee unpi kin okise isanpa hecetulapi canna hehan yuwanpi kta.

Quincy, Ill. obašpe kin is eya omaka iyohi omniciye kin econpi, na Bishop tawapi wanna oicihhi sui kin on Bishop ookiye wan yuhapi kta e wicasa wakan nom cajewicayatapi keš unmana yustanpi sui enakiyapi.

Kentucky el obašpe kin lecala mniciyapi na otokaheya wotapi wakan econpi kin el tuwa wahokonwicakiye cin he Ha sapa wicasa wakan heca, Rev. Thomas J. Brown eciyapi kin hee.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE WAKAN WIYAWAPI KIN

July wi kin.

- 1. Yamni iyohakab Anpetu Wakan iyamni... To
8. Yamni iyohakab Anpetu Wakan itopa... To
15. Yamni iyohakab Anpetu Wakan izaptan... To
22. Yamni iyohakab Anpetu Wakan isakpe... To
25. St. James Wahosiye taanpetu kin... Sa
29. Yamni iyohakab Anpetu Wakan isakowin... To

Wotanin-waste Ayapi On Wocekiye.

Anpetu iyohi wicokaya he cin ehan haryapi kta:

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicasa un kin owasin Niye ekta etonwanpi qa niwicayapi nunwe. Amen.

OKOLAKICIYE WAKAN WIWICAWANGAPI KIN.

Woonspe Iwikemna zaptan sanpa sakpe-nakun.

St. John Baptisma wicaku kin taanpetu

W. St. John Baptisma wicaku taanpetu kin tohantu he.

A. June wi wiyawapi wikemna nonpa sanpa topa hehantu.

W. He tuwe cinca he.

A. He Zacharias na Elizabeth eincapi.

W. Hi sni itokab Ogligle wan tokel oyaka he.

A. Woniya Wakan ojula kta, na Juda oyate etanhan wicota wicayuhomni kta, na Itancan ta-canku kin pikiciyin kta. Lukas I: 15-17.

W. John u kta ca Wokcan wan tuwa waayata he.

A. He Malaki wicasa wokcan kin hee. Malaki 3:1.

W. Wokcan kin he tokel eya he.

A. "Iho, wahosi mitawa yewashi kta, yunkan iye mitokab canku kin yuwiyeyin kta."

W. Tokel Itancan tacanku yuwiyeya he.

A. Oyate kin woiyopeiye iwahokonwicakiye, na mahpiya wokionze kin kiyela han owicakiyake cin heon.

W. John wahokonwicakiye cin on toketu he.

A. Blihelya econ kin on, wicasa ota, Jerusalem na Judea, na Jordan iglukstantanhan wicota ahi na Baptisma wicaku.

W. Tokel ni un he.

A. Tawokoyake cin he Camel hin kin on kagapi, na tawoyute kin psipsicala na tulmaga canhanpi kin hee on.

W. John Baptisma wicaku kin tokel ta he.

A. He kaska yanke cin ieunhan, Herod Antipas pa bakse wicasi, Herod tuwa Jesus ilaha kuwa, na sina ayucopi wan inkiye qon hee.

Woonspe Iwikemna zaptan sanpa sakowin.

St. Peter Taanpetu

W. St. Peter wokiksuye tawa kin tohantu he.

A. June wi wiyawapi wikemna nonpa sanpa napciyunka hehantu.

W. St. Peter he tuwa he.

A. St. Peter, he Jonas einhintku, he Bethsaida otowwe etanhan na hokuwa wicasa heca.

W. Tokel caje tokeca on slol-yapi he.

A. Caje tani kin he Simon eciyapi, na he ahankeya Christ wicacaje wan Cephas eyapi on caston.

W. Cephas eyapi kin tokel kapi he.

A. He Syria iapi etanhan na inyan eyapi, na Greek na Roma iapi el petra eyapi, na hetanhan Peter eyapi.

W. St. Peter wahosiye heca kta e tokel kicopi he.

A. He sunkaku Andrew eciyapi kin he Christ el ahi, na "Messiah kin iyeumyanpi" okiyake qon heon.

W. Le ohakab iecala toketu he.

A. Jesus, Peter na Andrew hokuwa wawicayake na "Miyagna u po, kinhan wicasa wicalupsicapi kta ee" ewicakiya.

W. St. Peter tawacin kin tokeca he.

A. Tawacin ohanko heca tka wahola sa, tokel iyukan kinhan glatan kta ca inalni ece.

W. Hecei ektašniyan ohankoya waawacin ece kin on tokel Jesus kuwa he.

A. Itancan tawa iyagna yin kta ohankoya iglatanin esa tokel anakilmin kte cin itokab okiyaka.

W. Tohinni Peter Christ anakilma he.

A. Wošna kaga Itancan ti ti-hocoka el, Christ litayetu wiyopeyapi qon he ehan yamni anakilma. Qeyas iyohakab lila hecin iyopeiye, nahan wotanin waste on eyanpaha bliheca na wacintanka heca.

W. Christ kini ohakab wahosiye tawa kin etanhan tuwa ca tokeya el iglutaniin he.

A. St. Peter, na hinlpaye cin on iyokisica un na kieimptin kta, na wowacine el yusuta kta e hecon naceca.

W. Tiberias ble kin el, waonspewicakiye tawa kin iciyamni taniničiye qon, Christ tokel St. Peter eciya he.

A. Wasstelaka hecinhan Christ yamnikiya wiyunga, na yamni anakilma kiksuyekiya na tokata wakta opiičiye kin hecon naceca.

W. Christ wastelaka hecinhan taku iglutaniyan econ si he.

A. Talicasunka cincala na Talicasunka kin wolwicaye si.

W. St. Peter tokaheya wahokonwicakiye cin on toketu he.

A. Koktopawinge yamni yuhomnipi na Baptisma wicacupi. Olan. 2: 41

W. St. Peter tuktel tokaheya yešipi he. Olan. 8: 14, 17.

A. Samaria ekta, heciya St. John kici yešipi, na Philip, Deacon kin he tona Baptisma wicacu qon, hena nape awicapatakapi.

W. St. Peter wotanin waste oyake cin on tuwa sicaya kuwa he.

A. Herod Agrippa kin he na on kaska gnake. Olan. 12:1

W. Ktepi kte cin itokab litayetu kin hehan toketu he.

A. Itancan Taogligle kin he wicokaske tipi tiyopa yuzamni na tankal toki tanyan un kte cin ekta yusaye. Olan. 12:7

W. St. Peter tokiya sama wotanin waste oyaka he.

A. Pontus, Galatia, Cappadocia, Bithynia na Asia el.

W. Tuktel ta he.

A. Wowapi tani owapi kin he na Rome otowwe kin el, Nero wicacayapti kin tuwa Christian sicaya wicakuwa qon he ehan ta keyapi.

W. Tokel martyr ktepi he.

A. Pa kin kulkiya han icipawel okatanpi.

Wowapi Wakan yawapi kin Wawokiya.

II. Greek Wicokanze kin. B. C. 333-167

1. Alexander woohiye tawa kin. Alexander tanka eciyapi kin he taakicita zuya hipi qonhan, Persia wowasake kin he jujawahe. Granicus wakpa kin ekta B. C. 334 he ehan Persia akicita ohiyewicaye, ca omaka iyokibe ake Issus ekta wicaktela kin on Damascus otowwe kin yuza, na Sidon ieu qonhan B. C. 332 Tyre otowwe kin atakpe hi. Iyohakab omaka kin, Juda oyate kin awicayustan sni na iye oholapi sni kin on Jerusalem otowwe kin takpe hi keyapi. Tuwa Josephus eciyapi na Juda oyate woyaka tawapi owa kin, he Alexander otowwe kin etkiya ye con itoketu kin he tanyan oyaka. Alexander si-

caya awacinyan Jerusalem kiyela ihunni qonhan, Jaddua, Wošna kaga itancan kin he, woihanble ihanbla kin on, canku kin ogna, wošna kaga hayake koyagya, wošna kaga toktokeca wicasa ikceka ko ob, ape yanka. Alexander taku wanyake cin eciyatanhan Wošna kaga itancan kin yuonihan, na wapošta akan taku owapi kin (Gli. 28: 36-38), he iiputake, na hehan is eya tiyata woihanble on wicasa kin he wanyake ca wiyohyanpata zuya yin kte cin he ohiyin kta iwahoye cin he oghaka. Hecei heon Jerusalem onsilaya patanpi.

2. Alexander ohiwicaye cin on itoheca kin. Alexander Jerusalem patan kin ecela sni, tka Juda wicasa tona el unpi kin, na Palestine ataya el, tona ohiwicaye cin wookihi ota wicaku, na Alexander te cin ohakab itancan upi kin he ogna iyowinwicakiyapi tka. Alexander Egypt makoce ohiyeqon, hehan Alexandria otowwe itancan teca kage cin hel Juda wicasa ota el ounyanpi kta e wicakico, na tona heconpi kin wowašake ota wicaku. Alexander oyate ohiwicaye cin on taku tanka yukan. Oyate toktokeca wokiconze tawapi kin el takuku nakicitonkapi qon he iyujuju, na iyotan Europe oyate na Asia oyate kin on lila hececa. Wicasa wowiyukan yuhapi kin wannan tanyan okicicabnigapi, na icunhan Greek iapi kin ogna wowapi kagapi kin liglila yawapi, na iapi kin he wanna owancaya kinin onspepi.

3. Alexander te cin ohakab. B. C. 322, Palestine makopašepi kin he akicita itancan tawa wan Laomedon eciyapi kin he yuza, tka ohakab iecala (B. C. 320) hehan Ptolemy Soter, Egypt wicacayatapi kin he ki, nahan Syria, na Phoenicia tawayin kta ca wicayuzza, na Jerusalem otowwe kin ohiya. Jerusalem etanhan wicasa koktopawinge wikcemna Egypt ekta iglagwicaye, ca Makedonia wicasa hel unpi kin akiyecel wicakaga; nahan ohakab iecala wicota Lybia na Cyrene ekta iglagwicaye. B. C. 314 omaka kin el Antigonus, Syria el wicacayatapi kin, Alexander akicita itancan tawa etanhan wanji iyotan wayuškiške cin he, he Palestine yuza; tka Ipsus el B. C. 301 wokicize econpi kin el te cin he ehan makoce kin he Ptolemy ewicakiyapi kin, he ikicupi, na hetanhan Syria na Egypt oyate kicipajinpi ece kin iyokogna yanka na uumani owicapapi sni.

4. Ptolemy wicahukuya Juda oyate kin waliwayela na cantewashteya unpi. Egypt wicacayatapi wokihi ota wicacupi, otowwe tona el ounyanpi kin el omnicieye tipi kagapi kta iyowinwicakiyapi, hecel woohola tawapi na wicasa kin ko tokel wowasake yuhapi isamsam icaliyapi. Juda oyate toki unpi esa, ocib Greek iapi onspeayapi, na "wicasa toktokeca ena-

nakiya unpi kin (1 Tayan. 1:1) hecel iapi na hecel unpi kin on "Hellenes" ewicakiyapi, na heon Juda woohola kin he Ikcewicasa tawapi kin ikoyagyapi. Nahana hececa kin on Wowahokiciye tani kin Greek iapi ogna ieska kagapi cinpi, hecel Ptolemy Philadelphus, Alexandria otowwe kin el, wowapi ognakapi tipi wan kage cin hel okage wan egnakin kta ca ieska kalwicasa, na okage cin he Septuagint castonpi (B. C. 284-247).

Alexandria otowwe kin he wiyohiyanpata na wiyohpeyata woonspe kin he cokaya un na heon Jerusalem ekta woohola kin on wasaka tka wana Alexandria kapeya wasaka. Makoce (Egypt) kin he tuktel hunkawicaye wayaka unpi kin eciyatadhan Juda oyate kin wanna tiwahe wan sutaya olakolkiciyapi, na on ocib oyate enanakiya unpi esa igluokiwanjipila kta e lila awacinpi.

5. *Juda oyate woohola tawapi on ocokaya nonpa kin.* Hecel wanna Juda woohola kin on ocokoya nonpa yukan, nopin sakib yanka tka iyohila woawacin yuhe cin on wasakecilapi. (1) Jerusalem ocib ihanke icage icunhan, Pharisee el unpi na oyate otowwe itancan tawapi kin, hel Moses wocon kin, na wowapi wakan, na tokel kapi oyakapi wowapi kin he Hebrew iapi el owapi kin ecela yuhapi; na (2) Alexandria, Hellenist, Juda wicasa tona Greek iapi onspepi kin, hena Greek woonspe na tawaciyapi kin, he Juda tawaciyapi kin sakib yuhapi, na wiyohiyanpata woonspe na wowiyekean kin icicahiyapi, na Juda wayuotaninpi kin Greek woksape kin kici ikoyagyapi. Hecel Alexandria otowwe itancan teca kin etanhan Juda woohola kin el woniya tokeca yuicage, na heon etanhan ospaye nom icagapi na Wotanin waste el "Pharisee" na "Sadducee" ewicakiyapi, tokaheya kin he Hebrew woawacin enajin, na iyokihe kin he Greek woawacin el enajinpi.

6. *Seleucidae kin.* Ipsus el kicizapi kin on, Alexander akicita itancan tawa wanji tokeca makoce tanka wan, Euxine Ble etanhan Arabia opapun kin hehanyan awanyagkiyapi. Makopaspe tawa iwiyohiyanpata otowwe itancan wan Seleucia eciyapi kin he kaga, iwiyohpeyata, Orontes wakpa opaye otowwe itancan tokeca wan, Antioch (Antioyoka) eciyapi he kaga. Iyunkan Seleucidae kin lila wasagya icagapi, na Palestine makoce kin yuhapi kta cinpi kin on, waniyetu ota Ptolemy kin ob kicicuwapi Ohanketa Antiochus tanka eciyapi kin B. C. 198 he ehan Jerusalem ohiye, tka Juda oyate kin wowaake ota wicaqu, na woohola tawapi kin el igluhapi kta iyowinwicakiye. Alexander na Seleucus econpi kin ognayan Juda tiwahe koktopawinge nom Babylon etanhan, Lydia na Phrygia ekta awicaye ca hel makoce wicaqu, nahan womnaye (tax) econpi kte sni e wicakiciyustan.

7. *Antiochus Epiphanes.* Qeyas, Antiochus tanka cinhintku kin, Jerusalem anatan hi na Tipi Wakan itancan kin etanhan wamanon, na iyokihe u kin, Antiochus Epiphanes, B. C. 170 he ehan wokicize on otowwe kin he ohiya, na easa hel tipi etan lila ota wicakte, nahan wicota wayaka unpi

kta e wiyopewicaye. Iyehan Tipi Wakan yusica, na taku wakan ohola kin, Jupiter Olympus eyapi kin on yuwakan, wowapi wakan yuhapi kin huhnage, ca Juda oyate kin hunkawicayapi kin etanhan wowicala yuhapi ayustanpi kta ca lila telihiya wicakuwa. Hecel Daniel wokcan kin (11:31) el "wowalite sni wayutakuni sni" taku tokeca wakanlapi on wagna wošnapi wan, wohulinahiyapi wagna wošnapi el eglepi, na anpetu iyohila wošnapi ecee kin he yutokan iyeyapi.

Wicanhpi Yamni tawowapi kin etanhan Gegnake 8 na 17 kin.

Hekta tohinni wowapi wan omaka 1889 el Wicanhpi Yamni ahi na Lakota yutanpi qon he kolaunyanpi kin Wazihanska tanyan na owotanla ieska kaga na Anpao kin el wicakicaga, na hecon kin on Lakota iyuha tanyan ablezapi kta kipi tka. Nahana tohinni onspa akta oyagunsi na econqunpi tka nahali tanyan ablezapi sni selececa, lakaš ake oyagunsi na le ihukuya oegnake nom piya unniciaotaninpi. Hecel tona Anpao iyacupi kin tanyan yawapi na gluha wacin po.

SEC. 8. Owakpamni makobaspe hiyeye cin ognagna tokelkel wicasa wanjigjila makoce oiyute yankapi kta.

Tohanl Tunkansilayapi kin hecel Lakota iwicatanyan kta iyukean kinhan, Owakpamni makobaspe tukte wanji keša iwicakiciyute wicasa kta, na kakelkel wicasa wanjigjila makoce wicakipamnipi kta.

Tiwahe itancan iyohila wojuyutapi opawinge yamni sanb wikeemna nonpa [320]; wica na winyan koya, waniyetu akesaglogan sanb iyayapi tka tansna unpi kin, iyohila iyutapi opawinge wanji sanb wikcenma šakpe [160]; wakanyeja nahanhecin waniyetu akesaglogan ihunipi sni tka wablenicapi kin, iyohila iyutapi opawinge wanji sanpa wikcenma šakpe [160]; wakanyeja lehanl ni unpi tka nahanhecin waniyetu akesaglogan ihunipi sni kin, nakon Tunkansilayapi lecel makoce icu wicasa sni itahena tonpi kte cin, hena koya, iyohila iyutapi wikcenma šaglogan [80] icu okihipi kta. Na makobaspe wanji ogna hecekel makoce wicakipamnipi kta yunkan wicasa iyohila hecin iyowicahi kta iyaececa sni ehantanhanš tokel oyate kin ataya on owotanla wicakicicigapi kta e iwanyag, ospaye lel cajeyatapi kin hena oyasin elel wicasa iyohila hecin aokpakpaniyan wicaqupi kta, woyustan kin le el tokel econwicasi kin he ognayan.

Hecetu kte qeyas, makobaspe tukte wanji kasa ogna makoce kin peji na ptewaniyanpi oicahiyapi kin hecela on lila waste selececa ehantanhanš, tokel makoce wicakipamnipi kta lel keya owapi

qon nonpa akiglegle wicaqupi kta.

Hehan, nakon, wicasa nonpa, nainš otapi yeša, ptewaniyanpi oicahiyapi kta ca on etanhan makoce wanjigjila tawapi kta tka qon, hena yuptayela icupi kta cinpi kinhan, Tunkansila hecel ptewaniyanpi oicahiyapi kta makoce oiyute ptayela wicaqu okihi kta, iye yuptayela tawakiyapi na woinlagyapi kta ca heon.

SEC. 17. Wokajuju kin:

Woyustan kin le on hecel yustanpi:—April 29, 1868, wolokota iwankab cajeyatapi na he ehanl yustanpi qon, on Lakota waonspewicakiyapi wowaste kin wicaqupi kta yustanpi—Article 7th hee—he, woyustan kin le yusutapi kin ohakab tokatakiya waniyetu wikeemna nonpa hehanyan hecena sutaya hin kta, tka Tunkansilayapi Tomnicieye kin Lakota waonspewicakiyapi wowaste kin hena eekiya taku akiyecelya on iwaštepi kta iyecceca wicakiciyusutapi kta on yutokecapi kta okihipi kta.

Na Lakota qon hena woinlagwicayapi kta ca heon American ptewiyela, cincatonwicayapi waštešte heca, Tunkansilayapi Iyokihe tuktekel opewicakiaton kta ca le on iyowinkiyapi na econsi pi, yeša tokel Lakota qon hena wowasukiye iye wicaqu kte cin ognayan hena, waicage kin koya, tanyan wicayuhapi kta iwanyake cin henagnakeca opewicakiaton kta, nahan ataya ptewiyela koktopawinge wikeemna nonpa sanpa koktopawinge zaptan (25,000) henalica na tatanka susu iyoyasin, ptewiyela kin iye el waštešepi, koktopawinge wanji (1,000) henalica opewicakiaton okihi kta. Hecetu kte qeyas, tiwahe itancan iyohila, na wica nainš winyan tona waniyetu akesaglogan sanm iyayapi nahan iyalatayela makoce icupi nainš tokata icupi kta ehantanhanš, hena oyasin kakel wanjigjila wicaqupi kta:—Ptewiyela asanpi yukan nonpa, ptewaquin akicaska wanji ptewanapin na mazaicahaha koya nainš ptewaquin na ptewanapin na mazaicahaha qon hena eekiya šungwiwela nonpa icin iyayustag, hecel qupi kta, Tunkansilayapi Iyokihe tokel tanyan kta iyukean hecinhan, nahan nakon mahiyublu wanji, canpagmiyanpi wanji, mahiyuhinte wanji, mahicamna wanji, nazonspe wanji na pejicape wanji hena oyasin tokel on wowaši econpi kta iwanyagtanyan kagapi heca iyohila icupi kta, nakon iyagna (\$50.00) makaska wikeemna zaptanptan ašlayela wicaqupi kta; mazaska kin hena taninyan wicaqupi sni qeyas Lakota tawayapi kte cin hena šinsya tipi kta ca on tipi ogna oumyanpi kta na nakon tipi toktokeca icicagapi kta he nainš makoce tawapi kin gluwastepti kta škanpi kin el owicakiyapi kta

ca on wicakiciyusotapi kta Tunkansilayapi Iyokihe kin iye tokel econ wicasi kte cin he ognayan; nahana taku woyuha woyustan kin he el iwankab wicaqupi kta yustanpi kin hena waujini hecin wiopeyapi nainš on toketuya keš wopetonpi econpi kte sni, Lakota woyuha kin hena tawayapi kin isnala taku kicicupi hecela on okihipica kta, nahana woyustan kin le toketuya keš ogna ecel econpi sni kinhan he woopce kicaksapi heca yawapi kta na (\$100.00) mazaska opawinge wanji sanm iyeye sni on glajujuwicakiyapi, nainš waniyetu wanji sanm iyeye sni kaska wicagnakapi, nainš nupin ecawicakiconpi on teli slolyewicakiyapi kta, wakiya wicasa tokel tanyan kta iyukean kin hecetu kta; nakon waniyetu nonpa hehanyan wojuyutapi zaptanptan ojupi kta kipiya, wojupi su wicaqupi kta, henalica ojupi kta okihipi ehantanhanš, na hecel wicaqupi kta ca on wojupi su opetonpi cannahan Lakota heca wiopeyapi kta gnakapi kinhan tawapi kin is tokeya opetonpi kta, na heconpi kta ca on Tunkansilayapi tawomnaye kin etanhan mazaska taku tokeca on yuhayab egnakapi sni kin he etanhan henalica kipiya le woyustan kin on yuhayab ekicignakapi; nahana nakon he iyagna Tunkansilayapi tawomnaye kin ogna mazaska taku tokeca on yuhayab egnakapi sni kin hetanhan (\$3,000,000) mazaska woyawa tanka yamni yuhayab egnakapi, yunkan mazaska kin hena Lakota oyate Sioux Nation ewicakiyapi kin iye tawapi kta ca heon United States Treasury kin ognakapi kta womnaye suta wan heca kta ca heon, na mazaska iyohila waniyeta iyohila mazašala zaptan (5 per cent) hecel cincatonyan aicahyakel egnakapi kta, na aicage cin (waniyetu iyohila \$150,000 00, mazaska koktopawinge opawinge sanpa koktopawinge wikeemna zaptan, henalica kta) he owakpamni makobaspe woyustan kin le on kagapi kin ognagna Lakota maza na woyute wicaqupi kin hena woinlagyapi kta ca on yuhayab egnakapi kta Tunkansilayapi Iyokihe kin iye tokel econ wicasi kte cin he ognayan, tohanl woyustan kin le yusutapi kte cin he ehanl owakpamni makobaspe toktokeca kin ognagna tonagnakeca woyute na maza icupi kin he iwanyag, na kakel ogna awicayusotapi kta; aicage kin he okise wowaši econ onspewicakiyapi waste toktokeca on, na unma okise kin he Tunkansilayapi Iyokihe kin iye tokelkel na takuku on na tuktešna iyukeayankel mazaska ašlayela wicasa iyohila wicaqupi koya tokelkel on ošankoya iwicawašicun na oicihiwicayapi kta iyececa iwanyag iyukean kinhan hecekel awicayusotapi kta; na Isanyati oyate na Wakpa Iapšan oyate na Ponka oyate kin womnaye suta kin le wowašte kin, woyustan kin le Sec. 7 na 13 el cajewicakiyatapi kin, hena is eya iyowajapi kta.

WOTANIN IKCEKA.

John Bad Elk, April 1899 ehanl Sioux Falls ekta tēyasupi qon, he piya aiapi kta. Pine Ridge ekta, canksayuha wanji Kills Back eciyapi qon he kte yukan on tēyasupi; eyaš Tunkanšilayapi ti ekta Wakiya Itancan tomni-ciye (Supreme Court) ekta ayapi yukan Sioux Falls ekta tokel kiciyasupi qon he owekiniš ekta-šniyan ecompi iyuceanpi kin on ake yuhlokapi na piya aiapi kta iyowinwicakiyapi.

Hesapa ekta mazaskazi olepi qon hunli Alaska ekta iyayapi. Cape Nome, Alaska, ekta lecala mazaskazi ota iyeyapi kin on oksantanhana maza-ole wicaša koktopawinge ota inalnini el hiyuičiyapi. Hesapa etanhan wikcemna nonpa lecala iyayapi.

Spearfish, Hesapa ekta, J. W. Driskill he Henry Keets taptebleška 1,200 opewicaton. Ptebleška wanji \$32.00 hecel iyopewicaya, Ataya \$38,400. Lakota on tokata jicaičiyapi kta iyececa kin ptebleška icahwicayapi kin hee. Tuwe hein heca opawinge yuhe cinhan jica selececa. Icin, mazaska koktopawinge yamni sanpa opawinge nonpa kipiya woyuha gnaka lakaš.

Carlisle, Pa., ekta wayawa opapi kin lehanl koktopawinge wanji wahecetupi. Hetanhan 400 kitana sanm iyeya owayawawicakiyapi kin ena unpi, nahan 546 titokan wašicun ogua wowašiecompi.

Carlisle ekta onspeičiyciyapi qon hunli akicita opapi na lehanl Puerto Rico hel unpi. Nakun hetanhan zaptan Philippine wita kin ekta kicizapi kin el opapi. Puerto Rico ekta unpi kin hunli okicize wata akicita ošpaye kin he el opapi.

June 4th, Pine Ridge ekta Makasanzu wakpala opaya owayawa tipi kin wanji hahnaga. Mr. Garret ekta waonspekiye yanke cin hee. Wakangli on ileyapi yankan obankoya waonspekiye ti qon he nahan owayawa tipi kin he, takuku ogua un kin koya ataya kinin atakunišni. Mr. Garret tawalpaye iyuha kinil, \$1,500.00 wahecetu kipiya, kiciluhnağa. Eyaš wicaša kinhan tuweni ontonyanpi šni. Mr. Garret cinca wayazanka on he anpetu pejuta wicaša wanyagkiyapi kta on tawicu kici owakpamni kin ekta ayapi canke ena yankapi šni icunhan tipi ile. Lakota oksan tipi kin wanyakapi yukan tokel okihika inalnini takuku niyapi kta škanpi; eyaš tipi kin šota ojula canke tokani taku ota icupi kta okihipi šni.

Pecokanyanhanska makoce ekta "Boxers" ewicakiyapi kin tokel šilobanpi qon he hta wi AN-

PAO KIN el oyakapi. Nahanli ayušanpi šni kin on lecala United States etanhan nahan minivanca kowakatanhan oyate tankinkinyan unpi kin etanhanhan Pecokanyanhanska Tunkanšilayapi kin he on wokiyakapi na ayušanwicakiye šipi. Iye tao-yatepi kin etanhanhan Pecokanyanhanska makoce ekta unpi kin hena na tawoyuha koya tanyan awanwicakiciyakapi šni ehantanhans Pecokanyanhanska wicakakšakapi kta, hecel Pecokanyanhanska Tunkanšilayapi kin woiwaktu qupi.

Hasapa makoce ekta Saglaša taakicita wana Johannesburg icupi na Boers otonwe itancan, Pretoria, he nakun; canke Transvaal ekta wokicize kin lecala owihan-kin kta kecinpi.

Board of Indian Commissioners 1899 on Report kin he Lakota tona wašicun ia yawa onspepi kin oyasin yawapi kta iyececa. Commissioner of Indian Affairs, Washington, D. C., he kilapi kinhan wicaqu kta iyececa. Hel taku cajeyatapi kin hena woyušan nainš wowaškiye heca šni. Tuktozna tokata wowaškiye kağapi kinhan wašte kta iyuceanpi na Tunkanšilayapi ti ekta owicakiyakapi heca. Hena oyate ikee unpi kin oyasin iyowajapi, canke Lakota is eya osloyapi na awacinpi kin wašte.

Board of Indian Commissioners kin taku lecala ecompi iyececa keyapi kin lena ee. (1.) Ikcewicaša tona wowaši ecompi on oičihipi kta okihipi kin hena woyute na hayapi wicaqupi kin ce-kiya letanhan tokatakiya waniyanpi sanpa ota wicaqupi wašte. (2.) Tuktel Ikcewicaša wašicun iyecel makoce icupi kinhan na hetanhan citizen unpi kin, hena wicegna wakankicyuzapi na cinca wicatonpi na wicašte cin oyasin owa icupi, na owakpamni tipi kin heltu nahan county court nakun ekta hena owihanke wanin owa yankin kta.

(3.) Owakpamni oyasin ekta kta tawicatonpi kin hena iyuhahcin wicacaje owa iwicacupi na ikcewicohan ogua kiciyuzapi yeaš elipekiciyapi kta iyowinwicakiyapi kte šni. Tokata kiciyuzapi kin hena ateyapi etanhan woiyowinke icupi on ecompi na is eya cajepi kin ateyapi ti ekta owa yankin kta.

(4.) Makoce oiyuteya gluhayankapi kin wanji te cinhan, reservation kin he etanhan wicaša wanjiği he on wicakabniğapi kin ateyapi okiyapi yukan te çon tamakoce na tawoyuha kin tona iyowajapi kta iyececapi kin hena wicacaje owa iwicacupi na ateyapi ti ekta wowaši wanji el owihanke wanin owa yankin kta on el owicawapi kta.

(5.) Ikceoyatepi tamakocepi

kin onšpa tanka waniyanpi icahwicayapi kin hecela on wašte kin, heon tokata tinsya tiplepi na waniyanpi icahwicayapi kta cinwicakiyapi na onspewicakiyapi kta iyececa. Na Ikcewicaša ota wana iceunkiyapi kin ogua eawicakiconpi na lehanl tamazaska on woyute opewicakiconpi kin heekiya waniyanpi opewicakiconpi na wicaqupi wašte.

(6.) Lehanl Tunkanšilayapi ti ekta mazaska oyate toktokeca wilwitaya tawapi kin hena wicaša tona iyowajapi kin wicakipamni na iyalatayela cajepi kin on hecena Tunkanšilayapi ti kin ekta wicakiciyuhapi wašte. Hececa kinhan, tona makoce icupi kin hetanhan tuwe hein wanji wana tanyan oičihini na tamazaska tanyan gluha kta okihi ca Tunkanšilayapi Iyokihe hecel ikiciyucean kinhan ataya kicu kta. Wanji nahancin tamazaska ataya ikikeu šni ecel te cinhan, titakuyetona iyowajapi kta iyececapi kin hena tawawicakiyapi kta.

(7.) Ikcewicaša tuwepike eyaš, iyuha tawakanheja kin wawaya opawicakiyapi kta on wowaškiye yugin kta iyececa.

(8.) Ikcewicaša tamakoce wašicun owicacupi kin he sanpa tanyan ekta etonwanpi wašte. Tokocincinyan ecompi qon he tanyan šni Tokata wicaša makoce gluha yanka makoce wanji tamakoce wašicun owicaku kinhan hetanhan mazaska icu kin tokel okihika hena ota on tipi nainš maliconkaške na mağa yuwašte kta on aglusotin kta iyececa.

(9.) Tokata hayapi, nainš wakpamni maza tona ee yeaš, hena osni šni itahena opewicakiconpi na eana hiyuwicakiyapi kta; hecel waniyetu icunhan unpi kta iyecece cin hena wetu eciyatanhancin icupi sa qon he icinonpa hececin kte šni.

(10.) Ateyapi wanji kalniğapi kta hecinhan tokel olan wašte na wicohan kin he tanyan yuha kta iyececa kin henala iwanyag kalniğapi kta iyececa. Na tohan-yan olan waštepi na wicohan kin tanyan kuwapi tanin kinhan hehanyan hecena ateyapi yankapi kta iyececa.

June wi hehanl Pine Ridge ekta, Pahinsinte wakpala opaya, tipi wakan kağapi. Canblaska on kağapi yukan kağapi kta on Lakota ektana unpi kin is mazaska opawinge nonpa mnayanpi nahan canblaska kin isicola tokšupi. Canblaska kin hunli makaiyutapi wikcemna šakpe wahanyan tokšupi. Lila blihecapi na tanyan wawokiye škanpi. Bishop Hare \$200.00 on owicakiyaya canke wana owacekiye tipi wašte yuhapi. St. Alban's eciyapi.

St. Paul's Chapel, Cankpeopi wakpala opaya, Pine Ridge ekta, lecala mazahla lila wašte opeiçitonpi.

James Little Chief, Pine Ridge ekta Catechist unpi kin wanji hee, June wi wiyawapi izaptan qon heehanl cinca hokšicala, cinca hecela yuhapi kin, ta.

Wicanhpi Yamni tawowapi kin etanhan Oegnake 8 na 17 kin.

(Concluded from third page)

Hecetu kte eyaš, tohanl woyušan kin le yuecetupi kta ca on Tunkanšilayapi tawomnaye kin etanhan, mazaska icupi kin, henalica el kicupi kinhan, hehanl Tunkanšilayapi Iyokihe kin, hecel tanyan kta iyucean kinhan, mazaska woyawa tanka yamni cinca-tonyan ewicakicignakapi qon, aicage kin iyayustag, mazaska woyawa tanka qon hena etanhan onge, mazaska wanji waniyetu wanjica mazašala wikcemna iyawa (10 per cent) mazaska koktopawinge opawinge yamni (\$300,000) henalica sanpa iyaye šni waniyetu iyohila koya awicayusotin kta okihi kta, aka woyu itancan wišiwicacupi, na Lakota mağa wikicanye, na šunkawakan, na wojapi su, nahan takuku on mağa sanpa tanyan kieuwapi kta opewicakiconpi, nahan tuktešna mazaska onge ašlayela wicaqupi kin hececel on hena awicayusotin kta, na waniyetu iyohila tokelkel mazaska kin hena yusota hecinhan, Tunkanšilayapi Tomni-ciye kin el ecel oglakin kta.

Na woyušan kin le yusutapi kin ohakab waniyetu wikcemna zaptan hehanl, womnaye qon he Lakota qon hena waonspewicakiyapi kin he na wicayuwawicunpi kin he na oičihiwicayapi kin yuohanko kta ca on yusotapi kta, nainš hetanhan tokatakiya Tunkanšilayapi Tomni-ciye kin iye tuktektel aiyucean yušanpi kte cin, hececel toktoğye Lakota oyate wicakipamni kta.

Missouri obašpe kin mniciyapi kin el wiyuceanpi na Diocese kin he el Yewicašipi tawapi kin on icinonpa. Yewicašipi womnaye kin etanhan mazaska icupi kte šni yušanpi. Hecece iye iyatayela wağlajujupi kta wanna.

Central Pennsylvania obašpe kin he mniciyapi na wicohan, tona kipi kin he iwoglakapi na Okolakiciye kin hel iyopte cin lakaš wanna obašpe kin kiiglušpapi kta na bishop nom yugin kta yušanpi.

Nakun Nebraska, Ohio, Southern Ohio, Pennsylvania, Pittsburgh, Virginia, West Missouri, Western New York, Long Island, Newark, South Carolina, Maine, Massachusetts obašpepi kin Maywi kin icunhan mniciyapi na taku yaotaninpi kin eciyatanhancin obašpe kin hena elel wicohan wakan icagin kta e lila wowaši ecompi ca otanin.

Bishop unkitawapi kin June 20, 21 kinhan St. John's School, Ft. Bennet el un, na etanhan iyaye na wiyawapi 22 litayetu kin el Wakpašica ekta wacekiyin kta iyaye. Hel Rev. L. C. Walker itkokipan na June 23-July 1, Kulwicaša ti na Conkicakse oyanke kin henios elel omani.